

JEMS

Ta yokwowa Jisis siir nomousimin Jems nikiuwiyin siya winkika siir nomiiyauwim Judamiyim yipiki naingwo tibmiiyim Jisis siiram yipikim hinda tinda nwowim simiiram. Biiya Jems siya hiniina bi naingwokin Jisis siya Kraiskin. Niingaka. Mi nhirim yim hiniina naingwokin, siya Jisis siya naowa saiir mhoiia naingwo tibmiigikin Jisis siiramin. Mi mhoiia siya iikamim naingwo tibmiiyim om komii Jerusalem hiranim simiir kigrirao. Mi Jems siya ta saiir winkiyin mi krimiir naingwo tibmiiya Jisis siiram naingwo tibmiiya yi siyiuiin wadie krime sibgu owanin yio siir niisiimauugin. Iriig.

Yokwowa Jems siya winkiya saeya

1 ¹Kara Jemskin, yipikin Adi Komii krimiir Wanin mi Biiyan Inkam Komii Jisis Krai sower mii niinga priimiriyan inkamkin. Kara ta yokwowa iikamim Isrel kimiirim yipiki Adi Komii siir wakaeyokna apiyim hinda tinda nwowim kimiiram winkika kimiir nokboin mamaigika. Iriig.

Diminim yipiki krimiir kwoin imiir kiyaiiyim krimiir whinkinsiis haiginiuwam Adi Komii siiram sibgu wakaeyokna apam sima

²Ti kariir nomiiyauim, iia ti dimin biyeyim nu tiranim kimiir kwoin imiir nipiyaokiii mi kima wi maigimaiga nwo karam kipi nwo. ³Mi kima wi maigimaiga dwo. Dimusi rani, kima ina ninokninkinim ti dimin taeminim kimiir whinkinsiis haiginiuwanim yim whoimoni rani mi ti dimin taeminim kima naingwo tibmii kiinim mi kima wakaeyokna apiyim mi kimiirin sima whinkinsiis haiginiuwi mi ti dimin biyeyim sima wi kimiir nikwowaisii rani. Mi ta hiriinan sairsika mi kimiir kwoinim wi kirie hiriayar nwokripkai mi Adi Komii siirim wi hiriayar sibgu wakaeyokna apim. ⁴Mi kima kimiir mhi kwoinim kipi nimiiyu, kimiir kwoinim ti dimin hiriinanim simiiram ti kiwaki kimiir whinkinsiisam mi ta hiriinan sairsika, kima wi siyiuiin iikamki sibgu mwriiyyim wi siir nwoki owim. Mi wi dimin taemin whiekakim Adi Komii siirim, wi simiir nwoki sibgu wakaeyokna apim. Iriig.

Inkamin kwoin miyikam whaowaeiyin siya Adi Komii siirim srii

⁵Kimiir nhirim kimaka waraur nwowim sima dimin miyikim mi dimin biyie ikim simiir sibgu ninomokninkin karamae nwowi, sima Adi Komii siirim srii mi siya simiirin wi ti simiir whindirarari. Mi Adi Komii siya wa whinkinsiis haiginiuwi sima ti dimin imiir ninokninkinamin. Mi siya hindara bi kintioae hauuwikin siir diminim mi iya sima siirim sriiyim dimin taeminim siya bi nikwao boinikin. Niingaka. ⁶Mi yipiki Adi Komii siirim srii diminam sima hiniina daingwo tibmii kiin Adi Komii siya simiirin wa whinkinsiis haiginiuwi diminim sima sriiyin siirin. Mi sima naingwo tibmii karam nwowi mi yim ini diminim hininki kaiyiprimdipuwiyin ini siir hiriinan ywowa whii komii solwara hir mi sima ninokninkin tani Adi Komii simiirin wi diminam namisi tiri iyie? Wi tir tani. ⁷Mi ti iikam hiriinan yim ha kipi naingwo Adi Komii siya wi simiir whinkinsiis haiginiuwi mi wi dimin taemin simiir hauwi. Niingaka. ⁸Dimusi rani, simiir kwoinim pi naingwo isiiskim mi sima kwoinim whowisa nwokim mi sima dimin whirki whiruwam bi naingwo tibmii kiingim. Niingaka. Iriig.

Iikamim digworaekwoki naokingugu nankaiyim mi iikam paeprikab ikim simiir yaiga

⁹Yipiki krimiir nomiiyauim simaka nwowim iikam paeprikabim sima maigimaigar dwo. Dimusi rani, simiirin wi Adi Komii siya nanmaiwarekainaei. Mi simiir inigim wi Adi Komii siya hainanprapas haiginiuwi. ¹⁰Yipiki krimiir nomiiyauim digworaekwoki naokingugunankaiyim sima ti digworaekwo imiirim kipi maigimaiga. Dimusi rani, mhoiia sima wi simbi naonami, kipa swokiiya ii priei nwo karam nwowiya sair hiriinan. Mi ti simiir digworaekwowim yim wi tirar niyopgrirgingigi. ¹¹Mi nugakin kip saeya bimbiuwi bi nwowiyakwokika mi bie siya pi whwoki mi ta kip kibiya pa waiwiski mipa houginami. Mi inkamin siir digworaekwo imiiramar nanmainonkwokripkaiyin, yio ti siyiu hiriinan kaimwowin kipki waiwisiyin ini siir hiriinan ywowin mi siya wa naonami. Mi krime krimiir digworaekwo imiirim kipi naingwokwonanaei sima whinkinsiis haiginiuwam krimiirin, wadie krime sibgu owam. Adi Komii sasairgin krimiir whinkinsiis haiginiuwanin. Iriig.

Kima kimasiiyar mintiraona ti dimin taeminim, kimiirin wi sim pi kinankiuwisi

¹²Mi yipiki kirie hiriirar nwowi, iya dimin bibiyeki simiir kinankiuwi mi sima wi maigimaiga dwo. Dimusi rani, dimin biyeyim sima bidi ikwowaisiigiyim. Mi ta hiriinana sairsika, Adi Komii siya

simiir kwoin imiir tirki, sima siir kwoinan nwowam mi sima wi saika nwoki sibgu owim. Biiya Adi Komii siya hiniina boinkin. Yipiki siirim naingwokwonanaei mi sima wi saika nwoyokiyokiikaeyami. ¹³ Mi iiya dimin whirki inkam nwirni kwoin nipiyaokiii mi siya dimin biyie ha tiri mi siya wi ha kipi boin, Adi Komii siya kiyaiigin siir kwoinin siyiu biyie tiram. Niingaka. Adi Komii siya inkam nwirni kwoin bi swoki kiyaiigin dimin biyie tiramin. Yio hiriinanin Adi Komii siir kwoinin saeya bi kiyaiigin mi siya krimiirin wi dimin biyie ha tir tani. Niingaka. ¹⁴ Mi dimin biyie biyieyim yipiki irira nwoniraki naingwowiyim, sima kiyaii simiir kwoin imiirin mi sima dimin biyie ha tiri, inkamin diminin wraisuam kiyauhaigingigiyin siya nakaiyam ini siir hiriinan ywowin. ¹⁵ Mi krime krimiir kwoinki naingwowiyim simiirarar napi nim wipi kigugu iuguskii. Mi krime dimin biyie imiirarar tiri nim wi pi naowi. ¹⁶ Ti kariir nomiiyauim kara naingwokwonanaeyim, kara kimiirin niksise rani. Mi kima tiri, wim wi pi naowi. Kima daingwo omok! ¹⁷ Dimin taemin miyik miyikim krime haiwiniyim yim Adi Komii sasair hauugikim. Adi Komii siyar nonkwokwokikim bie bwan mi nauun ikim. Mi yim tiriiginim ini hindara napiyokwii irkakim mi aknain minim, simar kisisaena oyokiyokwiii paiddao priei haruwa priei haruwa nwowamin mi mipi nii aeya niti mi krimiirin pi haini haiburgigi. Mi yio Adi Komiiyin ti hiriinan tani. Niingaka. Bi kisisaenaekim siya krimiir haiburgigamin. Niingaka. Siya dimin miyikim simiirarar tirikin siya dimin biyie wara bi tirikin. ¹⁸ Mi ta hiriinan sairsika siya wi siir kwoinkar asi naingwo tiri krimiirin mi krime wi siir yinisimar nwowi. Dimusi rani, siir yai kibi kibiyim yipiki siya nanaakninkii haiginiuwim simiirsi, tabnidnan, simiir nhirim biyiyin pi sima higii mi nhirim yimbiya mi higii mi Adi Komii siir kwoinin yio ini iripi hiriinanar mi owin krimiir iikam nhirim Adi Komii siir wakaeyokna apiyim yim ini hiriinan ywowim iikamim omom omomanim simiir nhirim mi mhoyia nhirim yimbi haniingin mi wakaeyokna api siir yai imiirin. Iriig.

Mi yaiyim kima wakaeyim kima simiirin wakaeyokna ap

¹⁹ Ti nomiiyauim naingwo tibmii kiiniyim kima ti dimin taemin imiirin dinomokninkin. Mi iikam kima irira nwonwira kimiir wiinim amira dwo ti dimin taeminim simiir wakaeyam mi ta hiriinan sairsika mhoyia kima boini mi kima wi io nwoisauu rani, iikam nhirim simakan mi simiirin wa mi okwao boin tani. Niingaka. ²⁰ Mi ti hiriinan dimin taeminim yim wi iikam sima whinkinsiis haiginiu rani, sima wakaeyokna apam dimin taeminim Adi Komii siya naingwowim krime wakaeyokna apam mi nhirmi nisiimauuwam. ²¹ Mi ta hiriinan sairsika kima dimin biyie biyieyim kimiir kwoinaw nwokaiyim yipiki kimiir tiriyim dimin biyie imiir wakaeyokna apam simiirin digiumii ti

haimriyiugig. Mi kima yaiya yipiki biiya Adi Komii siya kinirkaimauuwa sairara wakaeyokna apamar daingwo. Mi tariigina kimiir kwoinbud imiirin wi saeya whinkinsiis haiginiuwi iinokiinokin Adi Komii saika nwoyokiyokiikaeyamim.

²² Mi kima, kima kimar kipi swoki iksisaena hiniinin Adi Komii siir yai aiirarar mi wakaei ya ini digar mi owa. Niingaka. Kima hindara wakaeyokna apiski. Mi ta hiriinan sairsika kimiirin wi saeya nwoki whinkinsiis haiginiuwim. ²³ Iikamim yipiki Adi Komii siir yai imiirara wakaeyim mi simiir wakaeyokna ap karamae nwowim yim ini inkamin yipiki siir aknain aiir kigiya opnaini hiniin siya kipiipapii nwo rani, ini siir hiriinan ywowim. ²⁴ Mi mhoyiya siya pi ha namkii mipi kimiminki rani, pa swoki kwanaingwo owouugii siya paniin paniina kigin siya siyarin. Mi ti hiriinan siyu kaimwowin iikamim yipiki Adi Komii siir yai imiir wakaeyim mi simiir wakaeyokna ap karamae nwowiyim yim ini ti inkamin yipiki siir whwonkamin tainakiyinan nwowiyin ini siir hiriinan ywowin. Mi sima wi simiiram kiwaki rani, ti dimin biyeyim simiir haiburgigim mi siyu miyikim simiir napim. ²⁵ Mi yipiki Adi Komii siir yai kibiyim biiya kamim sim winkiyim Yokwo Komii sair simiir simiira mwainanaeyim yim ini ti inkamin siir aknaina sair saira kaonanaeyin ini siir hiriinan ywowin mi ti yayim simiirin wi sima whinkinsiis haiginiuwi ti dimin biye biyeyim simiir haiburgigim. Mi mhoyiya sima simiir naingwowi mi simiir naingwo owouu karama nwowi mi simiirin hiriinan tiri mi Adi Komii siya wi simiir nokboinmamair haiginiuwi.

²⁶ Mi nwirki ha boini siya Adi Komii siir siyu iir nabi mi yai bibiyie whiekakim ha boini mi yio ti inkamin yio niksisaeyaki waiwiigin. Yio siyuin Adi Komii krimiir Wanin siiram wakaeyokna apiyin siir kiyipsibgi haiginiugin mi siya bi sibgu aingwo omokin. ²⁷ Krimiir Adi Komiiyin siya krimiiramin minam naingwowi krime wadie sibgu owim. Siya krimiirin ti hiniina boinkikin, wig igabeyim mi yinisisimim yipiki ad yopii karamaeyim simiir whinkinsiis haiginiu mi hikar timi hai mi yayim simiirin siyu biyeni kipi nwo. Iriig.

Krime iikam whiekakim simiiramin hiriinankinar daingwokwo irkak

2 ¹ Ti kariir nomiiyauim, kima krimiir Biyan Inkam Komiiyin kirie komiigakin Jisis Kraisiir wakaeyokna apiyokiyokii. Kima iki siyupai siyupai nhirim sim niisiimauuwi iikam imiirin, yio siyu miyik rani. Tiki hiriinan siyuin Jisis siya boinin yio siir siyu ieya rani. Niingaka. ² Mi inkam nwisowa nitswowa maeyaua Adi Komii siir inig hainaniya sairam mi nwirin yuis miyik iinani mi nwirin paeprikabgin yio yuis biye iinani maeyaua kira nidwokaiya sair hiriirin ³ mi kira ti inkamin yipikin yuis miyik niinaniyin siir boin wini kira ta biigibiyan ipiia sair didwokai mi kira inkam paeprikabin yuis biye niinaniyin

siir boinkii, ni kira pi nu niinga didwo. ⁴Mi yio ti hiriinan siyuiin kira tirkiyin yio siyu biyiekibiyie iilar tirkin. Mi kira iikam imiirin idain piu aiirarar kipi hid hiniin yio ti biyiekin mi yio ti miyikin.

⁵Ti kariir nomiyauim kara naingwokwonanaeyim, kima ti diminim simiir wakaeki. Adi Komii siya bidi yimbinin iikamim yipikim dimin karamaeyim siir wakaeyokna apim, sima nonkwowim siir digworaekwowim. Biya siya ha boinkin ti iikamim wi siya nanmaiworkainaei yipiki siiram naingwokwonanaeyim simiirin wi siya nanmaiworkainaei mi sima wi saika nwoki sibgu oyokiyokwiigiyamim. ⁶Mi kima ti iikam paeprikabim yipiki digworaekwo karamaeyim hik simiir hauwi. Dimusi rani, kima simiirin siyu miyik bi tirkim. Mi kima iikamim digworaekwokakim simiir inig imiir dimusi hainankim. Yim sima kimiirin siyu miyik bi tirkim. Niingaka. Yimbi siyu biye whir kimiiram swoki tiri, kimiir kiyopsibgiyim mi kimiirin pa kiyitnimir hainami, maeyaua yai hidiya saiirim. ⁷Wim kima Krais siir inig kibi iilar niki baptaskim mi tariinanin ini ti iikam kaimwowim simar swoki kwikbumbu boinin yai biye Krais siir inig kibi iilarin. Mi yio ti hiriinan siyuiin yio miyik rani, ti iikamim digworaekwoki naokingugunankaeyim simiir inig imiir hainanim. Mi kima ti hiriinan dimuam tirkim, ha?

⁸Mi kima yayim biya Adi Komii siya win boinkiyim simiir wakaeyokna api mi kima iikam nhirim simiiram naingwokwonanaei kimamar naingwokwonaeyi saiir hiriinan mi ti hiriinan siyuiin kima tirin yio siyu miyikimiyik ieyairgin. ⁹Mi kima iikam imiir niinikibiri yapayapa nwowamin mi kima nhir imiirim naingwowi mi nhirim kima simiiram naingwo rani yio ti hiriinan siyuiin yio miyik rani. Adi Komii siir yai kibiya saeya hiniina nisiimauuga yio kima Adi Komii siir yai imiir haipridkikaii. ¹⁰Ti iikamim yipiki Adi Komii siir siyu komiiyin siir yai kwirni niinikripi yim ini iikamim yipiki siyu hoimgak imiirar niinikripim ini simiir hiriinan ywowim. Mi Adi Komii siya simiirin wi hiriinan saiirsi hidi. ¹¹Bidi bidiniyarin Adi Komii siya hiniina boinkin, hii kipi nanae mi iikam nhirmi kipi mi isomsom aokao mi inkamin yipikin hii nanae karamae nwowin mi siya inkam nwirni nisomaowi mi yio tari Adi Komii siir yai aiir bi wakaeyoknakin mi yio ini iikamim Adi Komii siir yaimwokiayimwowa saiir wakaeyokna ap karamae nwowim ini simiir hiriinan ywowim. ¹²Mi hiriinanki niuwu kima dimin miyikmiyik imiirara boin mi dimin miyikmiyik imiirara timi tir. Dimusi rani, mhoiya Adi Komii siya kimiir naingwoworkainaei mi ta hiriinan saiirsika siya krimiirin wi saiirsi hidi, yipiki rirmiya krimiir nwowaiginiuwim ti yayim biya siya hauuwim iikam krimiir dimin biye imiir haiburgigim. ¹³Iikamim yipiki naingwobumbu nhirmi nisiimauu karamae nwowim mi Adi Komii siya iriipi hiriinan wi naingwobumbu kimiir mi isiimauu rani. Niingaka. Mi hiriinan saiirsika iikam nhirim

simiirsi daingwoyimiyo. Mi kira hiriinan tiri, Adi Komii siya kiriirin wi mi onkwoniinwomwiirinkin tani. Dimusi rani, kiriir mii biye imiirsika. Iriig.

Adi Komii siirim daingwo tibmii mii miyik miriirim

¹⁴Ti kariir nomiiyauim mi inkam nwirin siya hiniina boini kara Adi Komii siir yai imiiram naingwo tibmii. Ti diminim siya tirim, yim hiniina niisimauwi yim kaimwo rani. Mi takina siirin wi paniina whinkinsiis haiginiuwi. Mi ti diminim siya naingwo tibmiiyim siirin wi whindiriraerar haiginiu rani mi Adi Komii siya wi siir nanmaiworkaina rani. ¹⁵Mi kiriir isidin siir wig biye kam biye nwirki naemin karamaeki niuwi mi kiriiram niti mi kira simiirin wi paniina tiri? ¹⁶Mi kira naemin diminim simiirin wa hauwi, iye? Wi hauu rani. Mi kira simiirin wi hiriirar boinki kima dam mi wadieya tini owou. Mi kimiir piuim pi wadieyar nwowi mi kimiir mhiyim pa kiniugi. Mi kira simiir naemin dimin bi swoki hauugikin. Mi sima wi wadieyar nwowi? Niingakiniingaka. Sima wi wadie nwo rani, sima wi hikar haii. ¹⁷Siyiun krimiir mhii kwoinki naingwo tibmiiyim Adi Komii siiram yio ini siir hiriinan ywowin. Mi krime krimiir kwoin imiiramar naingwowi mi mii miyik sibgu mirii karamae nwowi mi krime wi naingwo tibmii kiin tani. Niingaka.

¹⁸Mi inkamin ti hiniina boini, inkamin Adi Komii siir yai imiiram arar naingwo tibmii kiin iski mi mii kibi imiirarar kipi mirii. Mi inkamin mii miyik mirii mi siir naingwo tibmiiya kirie nwo karamae nwowi mi Adi Komii siya ha boini sowa nwisairarin inkam wadiekinairgo mi ya tariigina ya kaimwo rani. Mi an kara ha boini, inkam nwirin siya mii miyik bi miriigin mi siya kariirin wi paniina niisimauwi siya Adi Komii siirim naingwo tibmiikin, siya wi dig nwo rani. Kara siirin wi hiniina niisimauwi, kara Adi Komii siirim naingwo tibmiigin ta mii miyika kara miriia sairin. ¹⁹Kira yipikin hiniina naingwo tibmiiyim Adi Komiiyin nwiruwairgin iinokiinokin omwai waiyayokiyokiiyin. Kira wadieyar sibgu aingwo tibmiigin mi yio wi dig nwo rani. Yiu biyeyim yim ina mi inokninkinim Adi Komii omwai waiyayokiyokiiyin nwiruwairgin. Mi sima nididgak bidi ywowim mi Adi Komii siir bidi mi wakaeyokna apim? Niingaka. ²⁰Kima iikam habwhaowaenankim. Kimiirin pi kara niisimauwi, kima hiniina boini kima Adi Komii siir yai imiir wakaeyokna apikim mi mii miyik miriikim mi ti diminim kima wakaeyokna apim kimiirin wi sima whindiriraerar haiginiu rani, Adi Komii saika nwowim ta hiriinana sair daingwoki. ²¹Biiya Isrel Krimiir brougaeyin Ebrahim siya omwaiya niki waiyain, siya siir yinisim yinkamiyinin Aisak siirin ha nikiunamin mi partiiparii siir nisom aowam Adi Komii siir ninkin imiiaekiyim. Siya mii miyik imiir miriigin

hiniina niisiimauuwim siya Adi Komii siir yai imiir wakaeyokna apim mi Adi Komii siya wi hiniina boini, siya inkam miyikin ha sibgu aingwo tibmii kin siiramin. ²² Kima ina ninokninkinim? Ti diminim yipiki siya naingwo tibmiiyim sima whindiriraerar haiginiugin mii miyik siya miriiyim. Ti diminim yipiki siya tirim simar niisiimauugin siya Adi Komii siirim sibgu aingwo tibmii kiinim. ²³ Yaiyim yipiki biia Adi Komii siya boinkiyim bidi yimbiyamim, ti yaiyim sima hiniina boinkim ti inkamin Ebrahim siya Adi Komii siir yai imiir wakaeyin mi siya ina yaingwo tibmii kiinin ti yai imiiramin. Mi ta hiriinan sairsika Adi Komii siya siirin dimin whirkin kimbu karam asi boinkin mi siya Adi Komii siirim sibgu aingwo tibmii gin. Mi ta hiriinan sairsika, Adi Komii siya asi boinkin Ebrahim siya siir nomiiyugin. ²⁴ Adi Komii siya siirin dimin taeminim siir mhii kwoinawu hir nwokaiyim simiirarar bi kigin mi siirin ha bi dapkin siya inkam miyikin. Niingaka. Siya sowiirin whisairar kigin, siir naingwo tibmii aeya siir kwoin ieya mi miia siya mirii aeya. Dimusi rani, ta hiriinan sairsi dapkin Adi Komii siya siirin, dimin whirki kimbu karamae.

²⁵ Biia iigwira, hii nanaei wiga Rehap Saeya haigiprakaika inkam nwisu Josua siya nikropkiyo kanau kaonakiyam mi sowiirin saeyar sibgu kigrirao mi saeya sowiirin yaeya siyu whira yikropki. Mi saeya dimin miyik imiirar tirka mi ta hiriinan sairsika Adi Komii siya siirin wig miyik asi dapka mi saeya siirar sibgu wakaeyokna apka. ²⁶ Mi iriipi hiriinan, inkamin yipiki Adi Komii siirim naingwo tibmiiyim mi mii miyik bi miriigin, ti diminim siya naingwo tibmiiyim ini niingaka ywowim, ini inkamin naonamin siir hiriinan ywowin mi siir naeyiwin siir piuis biyie aiir bidi haiburgigin. Mi ta siir piuis niinga ini sasa hirar wokinainmimikiya. Iriig.

Dimin taeminim iikam krime tiriiyim krime sibgu mintirao.

3 ¹ Ti kariir nomiiyauim, kima wi whiekakar nwo rani, Adi Komii siir yai aiir nowomwarkaiyuwamim. Dimusi rani, kima ina ninokninkinim mhohiya Adi Komii siya krimiirin wa hidi iikamim yipiki siir yai imiir nanaakninki haiginiuwim, siya krimiirin wi yapayapa hidi. Mi ti iikam niingam siya simiir hidi mi wi kiimiiwao kintani. ² Mi krime whiekakar in dimin bibiyie bidiyar tirim, dimin taemin krime tiram naingwo karam nwowim simiirin. Inkam nwirki yipiki yai bibiyie boin karamae nwowi siyairgin inkam miyikin dimin whirki kimbu karamae nwowin mi siya ina ninokninkinin siya siir kwoin ieya sibgu owam. ³ Mi iikam krime uridin pi hos siir yai iir nomboruwi mi siirin pa kiyiririu diriraerari dimin taeminim krime diriraerarim tirim simiirin. Mi krime uridin mirmii kwira kiyikpitkii mi hosin pi warar mi inkin apiriyugi. ⁴ Mi krime siyaii komii komiiyim whii komii solwara

hir nakiiyim simiir daingwoki. Ti siyaiiyim sima prasae prasae rani mi simiirin pi opudga mi hughainami mi inkamin ta siyai aiir nindaokiiyim pi ti idisim iirar nonkwo wrieki mi ta siyaiya pi ti inkamin siya namam naingwowa maeyaua pi hiriirar nami, paeyin yab nakiiniy in kamaka nakiikindimdiyumainiyyin siir hiriinan yowoin, ti inkamin hinda nakiyam yaingwo mi ti paeyin pi hiriirar mi akiiyami. ⁵Mi kwiriyae ya iriipi hiriinan, ini uridsimin hosni nomboruin mi idisimin siyai aiir nindaowi ikin, ini sowiir hiriinan yowowa. Mi kwiriyae ya dimin komii rani, ya ini yainau nwokaiya dimin kirie kirieyim pi saeya mi kinkikinaei mi piu irkaka saiirin pi saeya mi kigiraowi. Mi ta hiriinana saiir daingwoki. Parid simin pi siyar niuginkikinaei mi niimau mie komiiki windi pi siyar niuginis iuguskii. ⁶Mi kwiriyae ya miyik rani, ya ini paenan yowowa. Mi ya ini krimiir mwo bopwo nwokaiya ini saeyar ywo iskiya mi dimin taemin bibiyeyim nu tiranim pi simiirar wakaeyokna diriraerari. Mi saeya ini paeya digworaekwo whiekakim sim niugisiniya saiir hiriinan yowowa; mi kwiriyae saeya pi Setan siir siyu bibiyeyim simiirar mi wakaeyokna diriraerari mi digworaekwo whiekak ikin mi iikam ima krimiirin wi saeya nonkwobumbu ninkin haiginiuwu. ⁷Mi niimauan wraisuim mi ipiyan ikin mi wraisupai wraisupaayim opnau nwomai ikin yimbi inkamin simiir nonkwo imiiaeyiyan pi siir yai airar mi wakaeyoknaei mi ti dimin taemin whiekakim simiir kouin ini inkam ieya ywo iskiyan. ⁸Mi diminin whirki whiruakin inkamki kigrirao karamae nwowiyan, ya yai biye sasairga. Siya saiir kintimdinuwim wi dig nwo rani. Niingakiniingaka. Mi saeya ya saiir kwoinairga naingwo priiboininisami. Mi ya ini mipug biyeyin iikam piyan ini siir hiriinan yowoin. ⁹Mi iikam krime Adi Komii siir inig iirin pi ta kwiriyae aeyar mi hainani mi yai bibiye iikam nhirmi pi saeya swoki boini, yipiki krimiirin biya Adi Komii siyar nonkwokwokiyan siir kwoinkar. ¹⁰Kwiriyae kwiruwairga, iikam krime boiniya yai miyik miyikim mi yai bibiye. Mi ti kariir nomiiauyim, ti dimin taemin bibiyeyim krime tiriyim mi yim wi kipi swoki tirmimin. ¹¹Mi op biyeya kausririya mi op miyik aka sowa ie whiruwanki niti mi sowa wi paniin paniina nwowi, ha? Mi sowa wi ie whiruwanki sowki it rani. Niingaka. ¹²Mi am saeya tabnid bi budika mi tab siya iriipi hiriinan am bi mi budikin. Mi iriipi hiriinan op miyika ieyin op biyeya kwoin kausririya saeya nwomaiiyan siir hiranki bi swoki imbinika. Mi nim krime iikamim iriipi hiriinan, yai bibiye mi yai miyik miyik ikin yim wi yai kwiruwa wi saiir hiriranki nitswo rani. Iriig.

Ninokninkin miyika Adi Komii siya hauugika

¹³Mi iikam kimiir inkam nwirin siya biyian wi siyu biye mi siyu miyik sowiirar ti inokninkin, ha? Mi ta hiriinan sairsika mi ti

hiriinan inkamin siya niisiimauwi krimiirin ti dimin taeminim simiir siyiumwokisiyiumwowin siya tiram naingwokwowim mi siya wi higak nwo rani mi yi siya hiriinanki niuwi, siya siyiuin iikam nhirmiyam naingwokwonanaeyin mi ha naingwo tibmii apiyin Adi Komii siiram siir dapiski. ¹⁴Mi kira kwoin bibiyie naingwowi mi io whwonkam iikam nhirmi nanaowi mi kira ha naingwowi iikam nhirim simiir whwonkam ida inkam miyikin ini karar ywowin mi mhoiia kira ha kipi naingwo kirairgin inkam miyikin mi dimin taemin whiekakim kirar sibgu inomokninkin iski. Mi kira hiriinan kwoin iir naingwowi mi kira pi niksiae mi Adi Komii siir yai kibi kibi imaka nantamyiriyiri. ¹⁵Mi ti dimin taemin hiriinanim yim Adi Komii siir hiran tani, yim inkamim nu tiranim simiirairgim, biigibiiyin simiirin yio Setan siya kinkikinakin mi iikamim nu tiranim sima ini simiirar kigna diriraerarim. ¹⁶Mi kima kwoin bibiyie naingwowi mi io whwonkam nanaowi iikam nhirmi mi kima minam warar naingwowi, iikamim simiir bopwoniya kou kimar ywowim mi kima, kima kimar ninii nansaonaei mi kima wi dimin bibiyie whiekakim simiirar tiri. ¹⁷Mi iikamim sima kwoin miyikin Adi Komii krimiir Wanin siya hauugiyin siirar wakaeyokna api mi sima biiyin wi dimin miyik miyik imiirar tiri, ie miyikin sinwhrie karamaeyin siir hiriinan. Mi sima biigibiiyin wi tiki dimin hiniinim simaka tiri: Mi sima wi iripa nongwomamair aei mi sima wi irni nwiirni yayiar wakaeyoknaei mi simiir kwoinim wa kisina haigi mi sima iikam nhirmisi wa naingwobumbuwi mi wi simiirar mi whinkinsiis haiginiuwi mi wi dimin taemin miyik miyik imiirara tiri. Mi sima iikamim hinda tindanim simiirin wi hiriinan siyaiu miyikinar tirswowi mi sima wi iikamim yaibwowai nwowiyim simiir hiriinan nwo rani. ¹⁸Mi iikamim yipiki irni nwiirni whinkinsiis haiginiuwi mi sima iripa nongwomamair aei mi yim ini iikamim yipiki paenid ninkiniyim simiir hiriinan ywowim. Tikinim yipiki ti hiriinan siyiu iir tirim yim iikamim simiir kwoin imiir kiyai siyiu miyik miyik imiir napam mi yim sima ini paenidim nikii whakiyim ini simiir hiriinan ywowim. Iriig.

Iikamim yipiki ti nuan dimin biyie biyieyim simiir wakaeyokna apim yim Adi Komii siir sau omomkim

4 ¹Piki hiniin dimin bibiyie ikim iikam kimiir hopswoswowiyim yaii kima kima niniyam? Kimiir kwoin imar naingwokiiyim mipa tiri diminin kwoin ieya naingwowin mi kima kima yaiiminim pa ninii. ²Ti diminim kira haiyim naingwowin mi kira simiirin pi hai karamae ywo mi kiriir kwoinin inkam nisom aowam pa naingwowi simiir haiyim. Mi kiriir kwoinin diminin kira hai karamae nwowin pi siirimar naingwokwonanaei mi kira yai pa ninkinwaomwarkii boininaei mi yaii pa ninii. Kira wi ti dimin imiir hai rani. Dimusi rani, kira Adi

Komii siir bi sriigin ti dimin imiirimin. ³Mi mhoiia iia kira Adi Komii siirim srii diminim mi kira simiir bi haigin. Dimusi rani, kiriir kwoinin miyik rani mi ta hiriinan sairsika, kiriir kwoinin dimin haiyamar naingwowi mi kira kiriir kwoin biyie wakaeyokna apim mi dimin biyie imiirar nwoki tirim. ⁴Kima yipiki iikam biyeyim digiumii Adi Komii siir haimriiyugigim. Takana ya ini wiga saiir kam iir haiburgika mi kam nwiram nama ini saiir hiriinan ywowa. Kima ini dimin biyeyim nuanim simiiram yaingwokwonanaeyim. Mi ti hiriinana kima ini Adi Komii siir sau omomnan ywowim. Kima ina ninokninkinim? Yipiki iikamkim nuan dimin taeminim simiirim naingwowim, yim ini Adi Komii siir sau omomnan ywowim. ⁵Kima hiniina naingwowi ta Adi Komii siir yaiya biiya kam nhirim sima winkiya yokwoni saeya whisariya priiboini, ha? Sima hiniina boinkim, ti Adi Komii siir naeyiun ti krimiir tir nwokaiyim siya krimiiramin minam naingwowi, krime siir siyiu iirarar napim. ⁶Mi krimiirin wi Adi Komii siya whinkinsis haiginiuwu ti dimin taemin biyeyim simiirsi simiir nikwowaisiyyim. Mi ti yayim Yokwo saiir tir nwokaiyim sima hiniina boinkim, Adi Komii siya wi digiumii iikamim inig komiikakim iikam nhirmi haiburim wi simiir haimriiyuwu. Mi siya iikamim yipiki ha naingwowyim sima inig karamaekim mi simam naingwona karam nwowyim mi ha boiniyim Adi Komii sasairgin inig komiigakin siya simiir whindiriraerarikin. ⁷Mi kima iikamim kimama kipi naingwona mi yio haniingi niuwu kima Adi Komii krimiir Wanin siirara wakaeyokna ap iski. Mi iia Setan siya kimiir kwoin imiir kiyaii mi kima wa sibgu okworinuwi mi kima digiumii wi siyiu biyie imiir haimriiyuwu mi ta hiriinan sairsika, Setan siya kimiirin wa haiburgigi mi wa nami. ⁸Kima Adi Komii siir wakaeyokna apamar daingwo iski mi siya wi kimiir kingiina nwowi mi kimiirin wi siya kigriraowi. Kima yipiki iikam biyeyim yai ara nhinkiniyim kimiir siyiu biyeyim digiumii simiir haimriiyugig biiya kima tirim! Kwoin biyie kima naingwowim simiir haiburgig! Kima dimin biyeyim kima tirim simiirsi daingwoyimi yok mi kimiir kwoinim rirmiiya dwo, iikamim simiir inaim hisokiyim mi wadie ha nwokiyim simiir hiriinan. ⁹Kima iikamim wi maigimaigra nwo rani, iia kima dimin biyie biyeyim kima tirim simiiram naingwowi mi kima kimiir maigimaigra wi saiir haiburgigi mi kima wa noui. Kima wa haigingigi kimiir kwoinim digiumii, iia kima wadie nwowa mi biyie nwo aka. ¹⁰Kima iikamim ti idid mi dimin biyeyim kima tirim simiirsi daingwoyimi yok Adi Komii siir whwonkam ida mi Adi Komii siya kimiirin wi wadie nwowi mi kimiir inigin wi siyar hainani. Iriig.

Kima kimiir nomiiyau imiir kipi hid

¹¹Ti kariir nomiiyauim, kima irni nwirni kipi hid mi niksisae yai kipi boin. Niingaka. Yipiki iikamkim siir nomiiyau imiir hidi mi siir

nokwao boini, yio Adi Komii siir siyiu komii siir yai imiir haimriiyugim. Ti diminim yipiki siya tirim yim ini siya boinan ywowim, siir yayiim ini kougikou mi ini wadie ywowim. Mi ini Adi Komii siir igsop aiir yokwokairina. Mi kima hiriinan tiri kima Adi Komii siir siyiu komii siir yai imiir bi wakaeyokna apikim. Mi kima pi hiniina boini, kimiir yayiim ini Adi Komii siir yai imiir haiburim. ¹²Adi Komii sasar winkin ti siir siyiu komiini yayiim Yokwo Komii saiirin. Adi Komii sasar hid iikamim mi wi siyar whindiriraerar haiginiuwi krimiirin o wi siyar tiowi krimiirin mi siyar mi tirki krime naowamin. Kira ha naingwokwowi kira adi komiigin mi ta hiriinan sairsi hidi kiriir nomiiyau imiirin, aniya? Kira ini paeprikab inkam ywowin. Iriig.

**Kima diminim Adi Komii siya naingwowim
kima tiram simiirim daingwo**

¹³Ta yayia kara boinkiya saiir wakaeki, kima iikamim yipiki hiniina boinim, panao mi waka, kira pi hinda nami mi biewi pi whira nini owouwi, kiriir digworaekwo whiekakim inkam nhirkim sainim mi kira pi umir simiirsi haiiyim, yio miyik rani, kira hiriinan yai boini. ¹⁴Kira ninokninkin tani dimu diminkin mhoiia nimbiyami, kira wi omwaiya waiyai iyie wi omwai waiya rani? Kira ninokninkin tani. Krime iikamim ini paowiinan ywowim saeya ha hiigiya mipa swoki whaowaeki saeya ii priei bi hiiga mi nim krime ini hiriinan ywowim. ¹⁵Kima hiniina kipi boin mi yio hiniingin kima hiniina ti boin Adi Komii siya hiniina naingwowi krime omwai waiyaim, krime ti diminim siir ti tir iyie i diminim si ti tir. ¹⁶Kima ti iikamim tariinanin hiriinan boin tani mi kima kamim inig komiigakim simiir hiriinan diriraerari mi kima wa boini, krime miyim krimiir kirieni mirii wi digar nwowi. Ti siyiuin kimamar naingwonaeyim hiniin, kima iikam inigakim yio ti hiriinanin siyiu miyik rani. ¹⁷Mi ti hiriinan sairsika iikamim yipiki hiniina ninokninkinim piki hiniin diminkin miyikin mi sima siir tir karamae nwowi mi sima dimin biyie tirkim. Iriig.

Iikamim umirki naokingugunankaiyim simiir yaiga

5 ¹Mi kima iikamim umirki naokingugunankaiyim iya maigimaigra kima nwowana priei nwo rani. Mi saiir mhoiyarin hik komii komiiyim wi kimiir naninkiniuni mi kima wi ninouninki prasae kin tani. ²Mi kimiir digworaekwo miyik miyikim wi biyie namwoiuwi. Mi kimiir yuiis miyik miyikim yim wi kikom minki topkrimkripi mi wi miyik namwo iuu rani. ³Mi kimiir gol, silva, umir, minim yim wi aigak nwokiyami. Mi iikam nhirim sima kimiir umir aigakim simiir kigi mi sima wi ha boini, sima umir hirii hirii dimusi haingiriyu haigimimirkim, ha? Mi sima siyiu biyie tirkim. Mi iya sima hiriinan

boini mi kira wi kiriir umir imiirsi nididi. Mi iya digiyana Jisis siya niti ni wi paesi kira nididiya wi saiir hiriinan nididi. Mi ti hiriinan digworaekwowim yim miyak rani. ⁴ Mi biya kira iikamim kiriir numir aiir miriitim, kira simiir umirim haimiyyarar hauugin. Mi kira ti simiir umirim hiriyyar biri hauu swokikin mi haimiyyin ini kirar tauae hai naowidim mi Adi Komii siya bidiyar kigiyyin umir haimiyyin kira tauae hainaowid iirin. Mi Adi Komii siya bidi wakaekiyin kiriir miyan kamim sima boinim, kira simiir umirim biri hauu digim. Mi Adi Komii siya kirie komiigi komiigakin. Mi kira siirsi nidid rani, aniya? ⁵ Mi tariinanin kira ini wadiyyar nwowin mi nae miyik miyikim ini simiirar naeyin mi dimin taeminim kiriir kwoinki naingwowyim mi kira pi simiirar diriraerari. Mi ti dimin taeminim kira tirim, yim ini naeyim hu kira nimiyaenanaeyim mi iya simiir nisomsom aokaowi mi ha nadigiuwi mi ini saiir hiriinan ywowim. Mi iriipi hiriinan iya saeya niti, saeya wa niti. Mi iya dimin whirki kiriir nationi mi kira wa naowi. Dimusi rani, siyu bibiyeyim kira tirim simiirsika. ⁶ Mi kira iikam miyik miyikim simiir boinwokiyopnatkaigikim mi simiirin ina yisomsom aokaokiyim. Sima kiriir nikwowsaiyim dig bi nwokin mi kira simiirin ini hindara yisomaoki iskiyin. Iriig.

Sibgu dokworinu iya kira Biyan Inkam Komiiyin Jisis siiram nwokwokiniyim

⁷ Ti kariir nomiiyauim, kima sibgu okworinu dimin biyieki kimiir nimbini mi ha kinankiuwi, iya kima Biyan Inkam Komiiyin siiram nwokwokiniyim siya nitam. Mi kima ti diminim simiir daingwoki. Mi inkam nwirin numir ninkiniyin mi siya pi siir sasae imiiramar kigriraowi, sima wai nwokiyam. Mi siya pa niki okaigi siir sasaeyim bie naoki nitkiigiyim mi siya pa kigi siir sasaeyim ini mwriigiyim. ⁸ Mi kima iikamim ti iriipa hiriinan siyuin siirar timi okaigi Biyan Inkam Komiiyin siiramin. Mi ta kira nwokaigiya kiriir kwoinin kirie dwo. Mi iya krimiir Biyan Inkam komiiyin siya nitana priei nwo rani. ⁹ Mi ti kariir nomiiyauim, kima, kima kimarim kipi ninii nansao. Mi kima hiriinan tiri mi Adi Komii siya wi boriisopi. Mi siir iya siya nitana ini kingiinar nwowa siya wa swoki iti. Siya yipiki inkam nwirin anao nokwo kaigakaniyin ini siir hiriinan ywowin. ¹⁰ Mi ti kariir nomiiyauim kima Adi Komii siir yaiya yipiki biya profet kamim sima boinmimauiim saiir ti swoki aingwoki. Kam bibiyeyim sima dimin bibiye simiir tirhaiginiuwi mi sima pi simiir swoki ikwowsaii rani. Niingaka. Sima pi kirie hiriyyar nwokripkai mi sima simiiramin pa kiwawini simiir tirbumbuwamin. Mi krime ti hiriinan siyuin sima tirin siirar swoki kigna ap. ¹¹ Mi krime simiirin hiniina asi boini, sima inkam miyikim. Dimusi rani, sima kirieya nwokin mi hiriyyar

nokworinukripkaigin. Mi kima inkamin Job nikiuwiyin siir bid yinokninkinim siya kirie hiriyyar mi oyokiyokiigin Adi Komii siir siyiu iir wakaeyokna apam, iya dimin bibiyeyim siir kinankiuim mi siirin Adi Komii siyar whinkinsiis haiginiugin. Dimusi rani, Adi Komii siya iikam krimiirsi naingwokwonanaekin. Mi siya krimiirsiyin nhami nhami bi naingwoyimiyyokin mi siya siir naingwobumbuwa krimiir asi niisiimauugin.

¹² Ti kariir nomiiyauim, tio siyairgin dimin komiiyin mi kara siirin kimiirin pi hiniina boinmaugi, iya kima dimin taemin tiriyim iikamim simakan mi kima ha kipi boin. Kariir adin siir inigin kira ha boini, ihi, kara ti dimin iirin wa tiri. Yio digargin. Mi kira ha mi boini, Niingaka. Kara pi boriisopi mi yio iriipi hiriinan ini digar mi owin. Mi dimin nhirim kima whisarii kipi mi boin mi kima wi Adi Komii siir kwoin iir hopswoiwowi siya io kima nwowamin. Iriig.

¹³ Yipiki kimiir inkam nwirin waraur nwowin siya hik hika hainanaei mi siya Adi Komii siirim srii dimin imiirsi. Mi yipiki kimiir nwirin siya maigimaigra nwowi mi siya mwai ha wao mi Adi Komii siir inig iirar hainan ti dimin imiirsiyin. ¹⁴ Mi yipiki iikamim kimiir nwirin siya maka nii, kima kamim Adi Komii siir diminim simiir bii nwowiyim simiirim dikiugi mi sima wa niti mi Adi Komii siirim nhwo pa kwisboini, ti inkamin siirim. Mi sima waim wa naokinki siir idwo, Biiyan Inkam Komii siir inig iir. ¹⁵ Mi sima Adi Komii siirim kwisboini mi ha naingwo tibmii kiini siya ti inkamin siirin ha whindiriraerari mi Biiyan Inkam Komii siya kiriirin wa mi whinkinsiis haiginiuwi mi kiriirin wi wadieyar nwowaiginiuwi. Kima dimin biyie tiri mi Adi Komii siya kimiir dimin biyie imiirin wa haiyoprimdiyumiigi mi ti dimin biyeyim wa namki. ¹⁶ Dimusi rani, ti dimin biyie imiirsika. Iikam kima irni nwirni dinboinmamaui dimin biyeyim kima tirim mi Adi Komii siirim kwisboini irni nwirniyyim siya wa whindiriraeri mi kimiirin wi wadieya nwowaiginiuwi. Iikamim yipiki Adi Komii siir wakaeyokna apim mi Adi Komii siya wa wakaei diminim sima kwisboini. Mi siya wa whindiriraeri ti diminim sima kwisboinim. ¹⁷ Ilaija yipiki biiya nwowin, siya inkamkin iikam krimiir hiriinanaigin. Mi siya Adi Komii siirim kwisboinanaekin naoki kipi kin. Mi biewi waiyaeyim whwoim mi bwanim iriyyar whir naoki kin karamae nwowim. ¹⁸ Mhoiyya siya Adi Komii siirim swoki kwisboinkiyin mi naowin ina swoki kinin. Mi naowin ha kinin mi sasaeyim ina iigiyim. Mi hiriinan saiirsika krime Adi Komii siirim sriinanae mi siya krimiirin wa wakaei mi wa mi whindiriraerar haiginiuwi. Iriig.

¹⁹ Ti kariir nomiiyauim, ti iikamim kimiir nwirin siya Adi Komii siir yai kibi aiir haiburgigi mi siirin inkam nwirki swoki kiyainami Adi Komii siir wakaeyokna apim, ²⁰ siya ta saiir dinokninkin, yipiki inkamkin ti

inkamin siir swoki kiyainamin, yipiki Adi Komii krimiir Wanin siir
haiburgigin mi siir Yai Win Kibi aiirim naingwo tibmii karamae nwowin,
siya siir kwoinbud iirar whindiriraerarnakin mi ta hiriinan saiirsika,
siya wi paeni omin siir nam tani. Mi siya tirkikin Adi Komii siirin ti
inkamin siir dimin bibiyeyim simiir haiyoprimdiyumigiyim biya siya
tirim. Iriig.